



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1849

XXXII. Markgraf Ludwig bestätigt die Privilegien der Altstadt Brandenburg,
am 2. Febr. 1324.

[urn:nbn:de:hbz:466:1-54022](https://nbn-resolving.org/urn:nbn:de:hbz:466:1-54022)

burg gratiam suam et omne bonum. Vestram fidelitatem nullatenus volumus dubitare, quin omnem gratiam vobis per serenissimum Dominum nostrum, Dominum Lodevicum, Romanorum Regem, genitorem nostrum carissimum, factam et suis literis confirmatam, velimus vobis per omnia confirmare. Et jam hoc fecissemus si copiam illarum habuissemus literarum. Dum enim ad vos venerimus, confirmabimus vobis eandem literas de verbo ad verbum benevola voluntate. Ad quod nihilominus faciendum et implendum nos per presentes duximus fideliter et firmiter obligandum. Datum Stendal sub nostro sigillo anno domini M^o. CCC^o. XXIV^o. Dominica ante purificationem S. Marie.

Gercken's Fragm. march. I. 66.

XXXI. Graf Heinrich von Henneberg verleiht als Hauptmann der Brandenburgischen Lande den Bürgern der Altstadt Brandenburg eine früher zum Schlosse Plaue gehörige Heide, am 29. Jan. 1324.

Nos Hinricus, dei gratia Comes minor spectabilis viri B. de Hennenbergh primogenitus, in territorio Brand. Capitaneus, recognoscimus in his scriptis publice protestantes, quod honestis viris et prouidis ciuibus presentibus et futuris veteris Brandenburg ciuitatis inhabitatoribus mericam prope ciuitatem iam dictam sitam cum omnibus pascuis, pratis, graminibus, lignis, ac vniuersis attinentiis et precipue cunctis infra memoratam mericam inclusis a termino aggeris postremi et vltimi fines Obule ab altera parte attingentis vsque ad terminos ciuitatis pretaxate procedentem ad vtilitatem comunium inhabitatorum ex parte domini nostri Ludouici principis illustris Marchionis Brand. contulimus presentibus et conferimus libero nostro arbitrio pollicito simul et de consensu eadem sub forma, sicuti ipsa merica sepius tacta a dominatu castri et terre antique Plawe diutius est possessa. Quam quidem Mericam vt superius est expressum ciuitatenses predicti perpetuo possidebunt hereditarie libere pacifice et quiete. Insuper adiacentes quod quandocunque litere similes istis a domino nostro Ludouico Marchione Brandenburg, super hoc negotium suis patentibus confirmantur instrumentis, extunc litere nostre presentes penitus deleri debent. In cuius rei et facti euentiam firmiorem has literas presentes super hoc confectas sigilli nostri munimine fecimus roborari, presentibus quam plurimis fide dignis. Datum et actum in veteri Brandenb. ciuitate anno domini M^o. CCC. XXIV^o. die dominica ante beate virginis purificationem.

Gercken's Fragm. march. III. 52 u. 57.

XXXII. Markgraf Ludwig bestätigt die Privilegien der Altstadt Brandenburg, am 2. Febr. 1324.

In nomine domini amen. Lodewicus, dei gratia Brandenburgensis et Lusacie marchio, comes Palatinus Rheni, dux Bavarie, sacri Romani imperii archicamerarius, fidelibus suis et dilectis consulibus atque universitati burgensium in antiqua Brandenburg presentium et futurorum gratiam suam et omne bonum. Cum frequens et assiduus in eo noster debeat figi cogitatus, quomodo subditorum nostri dominatus commoda latissime ampliemus, in eos tamen subditos, quos major commendat fidelitas, favorem nostre clementie compellimur ex debito diffusius infundere speciali. Hinc

igitur est, quod vestra fidelitate, quam a nostra ullo unquam tempore memoria excidere nolumus, postulante, tali vobis ac vestre posteritati duximus pro homagio, nobis cum benevolentia per vos facto, dono nostre specialis gratie providendum, quod univerfa vestra iura, gratias, donationes, libertates, consuetudines approbatas, proprietates, pheuda vestra, vobis et antecessoribus vestris atque civitati nostre Brandenburg a nostris predecessoribus marchionibus de Brandenburg data, collata et concessa iuxta tenorem literarum marchionum eorundem vobis desuper traditarum nec non ipsas literas seu privilegia perpetua et personalia eorundem, prout rite et rationabiliter vobis et civitati concessa sunt, approbamus, ratificamus et presentis pagine patrocinio de plenitudine specialis favoris, quem ad vos gerimus, solempniter, confirmamus. Nulli ergo omnino hominum liceat hanc paginam nostram infringere aut ei ausu temerario contraire. In premisorum omnium perhenne testimonium prefens vobis scriptum confici et sigilli nostri appensione iussimus communiri. Presentes huic facto nostro affuerunt Spectabilis vir dominus Bartholdus comes de Hennenberg, Hinricus et Johannes, ipsius comitis filii, nostri avunculi, nobilis vir dominus Hinricus comes de Swartzborch et Guntherus comes de Lyndowe cum aliis fide dignis. Actum et datum Stendel, anno domini M^o. CCC^o. XXIV^o. in purificatione sancte Marie in nostra presentia ac honorabilis viri domini Segeri prepositi Stendalgenfis nostri protonotarii, per manum Hermanni de Luchowe.

Nach dem Original. — Gercken's Fragm. III, 50.

XXXIII. Des Markgrafen Ludwig erweiterte Bestätigung der Rechte und Privilegien der Stadt Brandenburg, vom 4. Februar 1324.

In nomine sancte et individue Trinitatis. Amen. Nos Ludovicus, dei gratia Brandenburgensis marchio, recognoscimus, tenore presentium publice protestantes, quod, quia predecessores nostri illustres pie memorie marchiones quondam Brandenburgenses, civitatem nostram Brandenburg specialiter diligentes, ipsam pre ceteris elegerunt eamque multis libertatibus ac prerogativis specialibus decorarunt; Nos itaque donationes ac libertates dictorum nostrorum predecessorum approbantes singulas presentibus confirmamus, tum quia ipsa civitas nostra pre omnibus Banno fulget regio, quod vulgo dicitur Koningelhan, tum quia totum nostrum dominium ab eadem civitate nostra traxit originem, tanquam a fonte rivuli derivantur. Damus igitur predictae nostre civitati Brandenburg hanc prerogationem specialem, ut omnes nostre civitates et opida, per totum nostri domini circuitum site, in suis iuribus requirendis et servandis ad ipsam civitatem Brandenburg confluant et iura sua tam consulum quam scabinorum ab eadem recipiant, habeant, postulent et requirant. Mandamus igitur, finaliter statuentes, et volentes, ut iura, que scabini et consules seu iurati predictae civitatis provide et maturo diffinierint et dederint consilio, nullus omnino reclamare valeat aut presumat. Insuper volumus, districtius statuentes et arbitantes, ne nos ipsi nec aliquis heredum nostrorum vel successorum aut consiliariorum aut advocatorum aut officialium seu potentum nostrorum alicui infra muros seu iura civitatis ejusdem violentiam faciat vel inferre audeat seu attemptet. Immo volumus, ut unusquisque in civitate gaudeat suo jure, polleat et fruatur et ab omni impetitione nostra seu heredum nostrorum nec non officialium seu potentum nostrorum vel cujuscunque coram sculteto seu civitatis iudice inculpatus se expurget, prout juris ordo postulat et requirit. Insuper volumus et omnibus nostris potentibus et officialibus sub ob-